

悲華經卷第二

食二

北涼天竺三藏法師曇無讖譯

大施品第三

爾時會中有菩薩摩訶薩名曰寂意瞻觀如來種種神化已白佛言世尊何因緣故其餘諸佛所有世界清淨微妙種種莊嚴離於五

濁無諸穢惡其中純有諸大菩薩成就種種無量功德受諸快樂其土乃至無有聲聞辟支佛名何況當有二乘之實今我出尊何因何緣處斯穢惡不淨世界命濁劫濁眾生濁見濁煩惱濁於是五濁惡世之中成阿耨多羅三藐三菩提在四眾中說三乘法以何緣

故不取如是清淨世界而不遠離五濁惡世佛告寂意菩薩摩訶薩善男子菩薩摩訶薩以本願故取淨妙國亦本願故取不淨土何以故善男子菩薩摩訶薩成就大悲故取斯弊惡不淨土耳是故吾以本願處此不淨穢惡世界成阿耨多羅三藐三菩提善男子汝

今諦聽善思念之善受善持吾今當說時諸菩薩受教而聽

佛告寂意菩薩善男子我於往昔過恒河沙等阿僧祇劫此佛世界名刪提嵐是時大劫名曰善持於彼劫中有轉輪聖王名無諍念至四天下有一大臣名曰寶海是梵志種善

知占相時生一子有三十二相瓔珞其身八十種好次第莊嚴以百福德成就一相常光一尋其身圓足如尼拘盧樹諦觀一相無有獸足當其生時有百千諸天來共供養因為作字號曰寶藏其後長大剃除鬚髮法服出家成阿耨多羅三藐三菩提還號寶藏如來

應正遍知明行足善逝世間解無上士調御丈夫天人師佛世尊即轉法輪令百千無量億那由他諸眾生等得生人天或得解脫如是利益諸天人已與百千億那由他聲聞大眾恭敬圍繞次第遊行城邑聚落漸到一城名安周羅即是聖王所治之處去城不遠有

一園林名曰閻浮爾時如來與百千無量億那由他聲聞大眾止頓此林時轉輪王聞寶藏佛與百千無量億那由他大聲聞眾次第遊行至閻浮林爾時聖王便作是念我今當往至於佛所禮拜園遶供養恭敬尊重讚歎作是念已即便自以聖王神力與無量大眾

食二

前後園遶出安周羅城向閻浮林既至林外如法下車步至佛所到已頭面禮足右遶三匝却坐一面

善男子爾時寶藏多陀阿伽度阿羅訶三藐三佛陀即為聖王說於正法以種種方便示教利喜說是法已默然而止時轉輪王便從

座起長跪叉手前白佛言唯願如來及諸聖眾於三月中受我供養衣被飲食卧具湯藥善男子彼時如來默然許之時王即知佛已許可頭面作禮遶佛三匝歡喜而去時轉輪王告諸小王大臣人民及其眷屬作如是言汝等知不我今已請寶藏如來及其大眾終

竟三月奉諸所安自我所用愛重之物諸供養具僮使僕從我今悉捨以奉施佛及諸聖眾汝等今者亦當如是捨所重物諸供養具僮使僕從以奉施佛及諸聖眾諸人聞已即便受教歡喜奉行時主寶臣於閻浮林中以純金為地於其地上作七寶樓其樓四門七

寶所成七寶行樹其樹皆懸寶衣瓔珞種種真珠妙好寶蓋及諸寶器以用莊嚴復有諸香妙寶華果以莊校樹散種種華統綖繒續以為敷具懸諸繒幡聖王金輪於樓觀前懸處虛空去地七尺令白象寶在如來後持七寶樹其樹復有真珠繒帛種種瓔珞以用莊

食二

三

校其上復有七寶妙蓋使玉女寶於如來前磨牛頭梅檀及黑沉水用散佛上以摩尼珠寶置於佛前寶珠金輪王光微妙常明遍滿閻浮檀林晝夜無異寶藏如來常身光明微妙清淨遍滿三千大千世界以牛頭梅檀為一一聲聞作諸床榻一一床邊牛頭梅檀以

爲凡橙一一座後有白象寶持七寶樹種種莊嚴亦如如來一一座前有玉女寶磨牛頭栴檀及黑沉水散以供養於此一一聲聞座前各各安置摩尼寶珠其園林中作種種伎樂其園外邊有四兵寶周匝圍遶善男子時轉輪王清旦出城向於佛所既至林外如法下車步至佛所至佛所已頭面禮足右遶三匝自行澡水手自斟酌上妙餚饈佛及大衆飲食已訖捨鉢漱口時轉輪王手執寶扇以扇如來及一一聲聞時王千子及八萬四千諸小王等悉皆供養一一聲聞如轉輪王供養世尊尋於食後有百千無量億那由他衆生入閻浮林於如來所聽受正法爾時虛空中有百千無量億那由他諸天散諸天華作天妓樂以供養佛是時虛空中有大衣瓔珞種種寶蓋而自迴轉復有四萬青衣夜叉於栴檀林取牛頭栴檀爲佛大衆然火熟食時轉輪王其夜於佛及大衆前然百

千無量億那由他燈善男子時轉輪王頂戴一燈肩荷二燈左右手中執持四燈其二膝上各置一燈兩足趺上亦各一燈如是竟夜供養如來佛神力故身心快樂無有疲極譬如比丘入第三禪轉輪聖王所受快樂亦復如是如是供養終竟三月時王千子及八萬四千諸小王等百千無量億那由他衆亦以妙食供養一一諸聲聞等亦如聖王所食餚饈亦滿三月其玉女寶亦以種種華香供養如轉輪王供養於佛等無差別其餘衆生華香供養亦如王女供養聲聞無有異也善男子時轉輪王過三月已以主藏寶臣貢上如

食

二

四

生入閻浮林於如來所聽受正法

來閻浮檀金作龍頭瓔八萬四千上金輪寶白象紺馬摩尼珠寶妙好火珠主藏臣寶主四兵寶諸小王等安周羅城諸小城邑七寶衣樹妙寶華聚種種寶蓋轉輪聖王所著妙衣種種華髮上妙瓔珞七寶妙車種種寶床七寶頭目交絡寶網閻浮金鎖寶真珠貫上

妙履屣統綖茵褥微妙凡橙七寶器物鍾鼓
妓樂寶鈴珂貝園林幢幡寶籙燈燭七寶鳥
獸雜廁妙扇種種諸藥如是等物各八萬四
千以用奉施佛及聖眾作是施已白佛言卅
尊我國多事有諸不及今我悔過唯願如來
久住此國復當令我數得往來禮拜圍遶恭
敬供養尊重讚歎彼王諸子在佛前坐一一
王子復各請佛及比丘僧終竟三月奉諸所
安唯願許可爾時如來默然許之時轉輪王
已知如來受諸子請頭面禮佛及比丘僧石
遶三匝歡喜而去善男子時王子第一太
子名曰不眴終竟三日供養如來及比丘僧
奉諸所安一如聖王時轉輪王日至佛所瞻
觀尊顏及比丘僧聽受妙法善男子爾時大
臣寶海梵志周遍到於閻浮提內男子女人
童男童女一切人所乞求所須爾時梵志先
要施主汝今若能歸依三寶發阿耨多羅三
藐三菩提心者然後乃當受汝所施時閻浮

食二

五

提一切衆生其中乃至無有一人不從梵志
受三歸依發阿耨多羅三藐三菩提心者既
令諸人受教戒已即便受其所施之物爾時
梵志令百千億無量衆生住三福處及發阿
耨多羅三藐三菩提心太子不眴供養如來
及比丘僧竟三月已所奉達嚩八萬四千金
龍頭瓔唯無聖王金輪白象紺馬玉女藏臣
主兵摩尼寶珠其餘所有金輪象馬妙好火
珠寶男童女七寶衣樹七寶華聚種種寶蓋
微妙衣服種種華鬘上妙瓔珞七寶妙車種
種寶床七寶頭目交絡寶網間浮金鎖寶具
珠貫上妙履屣統綖茵褥微妙凡橙七寶器
物鍾鼓伎樂寶鈴珂貝園林幢幡寶籙燈燭
七寶鳥獸雜廁妙扇種種諸藥如是等物各
八萬四千以奉獻佛及比丘僧作是施已白
佛言世尊所有不及今日悔過時第二王子
名曰尼摩終竟三月供養如來及比丘僧如
不眴太子所奉達嚩如上所說第三王子名

曰王眾第四王子名能伽羅第五王子名曰無所畏第六王子名曰虛空第七王子名曰善臂第八王子名曰泯鬪第九王子名曰蜜蘇第十王子名曰濡心十一王子名普伽奴十二王子名摩檮滿十三王子名摩奴摸十四王子名摩磋鹿滿十五王子名摩闍奴十六王子名曰無垢十七王子名阿闍滿十八王子名曰無缺十九王子名曰義雲二十王子名因陀羅二十一名尼婆盧二十二名尼伽殊二十三名日月念二十四名曰日念二十五名曰王念二十六名金剛念二十七名忍辱念二十八名曰住念二十九名曰遠念三十名曰寶念三十一名羅睺三十二名羅睺力三十三名羅睺質多羅三十四名羅摩質多羅三十五名曰國財三十六名曰欲轉三十七名蘭陀滿三十八名羅刹盧蘇三十九名羅耶輸四十名炎磨四十一名夜婆滿四十二名夜闍盧四十三名夜磨區四十四

食二

六

名夜墮殊四十五名夜頰奴四十六名夜娑奴四十七名南摩殊帝四十八名阿藍遮奴如是等聖王千子各各三月供養如來及比丘曾一切所須衣服飲食卧具醫藥亦復皆如第一太子所奉達觀種種之物亦復各各八萬四千因其所施各各發心或願初利天王或求梵王或求魔王或求轉輪聖王或願大富或求聲聞是諸王子其中乃至尚無一人求於緣覺況求大乘時轉輪王因布施故而復還求轉輪王位是時聖王及其千子如是供養滿二百五十歲各各向佛及比丘僧悔諸不及善男子時寶海梵志尋往佛所而白佛言唯願如來及比丘僧滿七歲中受我供養衣服飲食卧具醫藥爾時如來默然許可受梵志請善男子爾時梵志供養如來及比丘僧所須之物亦如聖王之所供養善男子寶海梵志復於後時作如是念我今已今百千億那由他眾發阿耨多羅三藐三菩

提心然我不知轉輪聖王所願何等為願人
 王天王聲聞緣覺為求阿耨多羅三藐三菩提
 提若我來世必成阿耨多羅三藐三菩提度
 未度者解未解者未離生老病死憂悲苦惱
 悉令得離未滅度者令得滅度定如是者我
 於夜卧當有諸天魔梵諸龍及夜叉等諸佛

食二

七

世尊聲聞沙門婆羅門等為我現夢說此聖
 王之所志求為求人王為求天王為求聲聞
 辟支佛乘阿耨多羅三藐三菩提耶善男子
 時寶海梵志於睡眠中見有光明因此光故
 即見十方如恒河沙等諸世界中在在處處
 諸佛世尊彼諸世尊各各遙以妙好蓮華與
 此梵志其華微妙銀莖金葉瑠璃為鬚瑪瑙
 為葺各於華臺見日輪像於日輪上各各悉
 有七寶妙蓋一一日輪各各皆出六十億光
 是諸光明皆悉來入梵志口中自見其身滿
 千由旬淨無垢穢譬如明鏡見其腹內有六
 十億那由他百千菩薩在蓮華上結加趺坐

三昧正受復見日鬘圍繞其身於諸華中出
 諸伎樂踰於天樂善男子爾時梵志又見其
 王血汗其身四方馳走面首以猪豷種種蟲
 既啾蟲已坐伊蘭樹下有無量衆生來食其
 身唯有骨鎖捨骨鎖已數數受身亦復如是
 於是復見諸王子等或作猪面或作象面或
 水牛面或師子面或狐狼豹面或獼猴面以
 血汗身亦各皆敢無量衆生坐伊蘭樹下復
 有無量衆生來食其身乃至骨鎖離骨鎖已
 數數受身亦復如是或見王子須曼那華以
 作瓔珞載小弊車駕以水牛從不正道南向
 馳走復見四天大王釋提桓因大梵天王來
 至其所告梵志言汝今四邊所有蓮華應先
 取一華與轉輪王一一王子各與一華其餘
 諸華與諸小王次與汝子并及餘人梵志得
 聞如是語已即如其言悉取賦之如是夢已
 忽然而寤從卧起坐憶念夢中所見諸事尋
 時得知轉輪聖王所願卑下愛樂生死貪著

世樂我今復知諸王子中或有所願卑小下劣以諸王子有發心求聲聞乘者故我夢見須曼那華以作纓絡載水牛車於不正道南向馳走我何緣故昨夜夢中見大光明及見十方無量世界在在處處諸佛世尊以我先教勸閻浮提內無量衆生悉令安住三福處

食二八

故是故於夢得見光明及見十方無量世界在在處處諸佛世尊以我教勸閻浮提內一切衆生發阿耨多羅三藐三菩提心請寶藏佛及比丘僧足滿七歲奉諸所安是以夢中見十方諸佛與我蓮華以我發阿耨多羅三藐三菩提心故是以夢中見十方諸佛與我寶蓋蓋如我所見蓮華臺中見日輪像有無量光明入我口中及見大身滿千由旬七寶蓋上以日爲飾及見腹內有六十億百千菩薩在蓮華上結加趺坐三昧正受時梵天王所可教勸賦諸蓮華如是等夢非我所解唯有如來乃能解之我今當往至世尊所問其所

以何因緣故見是諸事善男子爾時寶海梵志過夜清旦即至佛所飲食以辦自行澡水手自斟酌上妙餚饌食已行水收舉鉢訖即於一面坐卑小床欲聽妙法爾時聖王及其千子無量無邊百千大衆出安周羅城恭敬圍遶向閻浮園到園外已如法下車步至佛

所頭面禮佛及比丘僧在佛前坐爲欲聽法爾時梵志如夢中所見具向佛說佛告梵志汝夢所見有大光明十方無量如恒河沙等諸世界中在在處處諸佛世尊與汝蓮華於華臺中有日輪像大光入口以汝先於二百五十年中教閻浮提內無量衆生令住三福

食二

九

處復令無量衆生發阿耨多羅三藐三菩提心於今復作如是大施供養如來及比丘僧以是故十方諸佛授汝阿耨多羅三藐三菩提記十方如恒河沙等諸佛世尊現在說法與汝蓮華銀葉金葉瑠璃爲鬚瑪瑙爲茸蓮華臺中有日輪像如是等事皆是汝之受記

相見梵志汝夢所見十方如恒河沙等諸世
 界中在在處處諸佛世尊現在說法彼諸世
 尊所可與汝七寶妙蓋蓋上莊飾至梵天者
 汝於來世當於夜分成阿耨多羅三藐三菩
 提即於其夜有大名稱遍滿十方如恒河沙
 等諸世界中上至梵天當得無見頂相無能
 過者即是汝之成道初相汝夢見大身又見
 日鬘而自圍遶者汝於來世成阿耨多羅三
 藐三菩提已汝先所可於閻浮提內教無量
 衆生令發阿耨多羅三藐三菩提心者亦當
 同時於十方如微塵等世界之中成阿耨多
 羅三藐三菩提亦皆各各發此讚言我於往
 昔為寶海梵志之所勸化發阿耨多羅三藐
 三菩提心是故我等今日悉成阿耨多羅三
 藐三菩提某甲世尊即是我之真善知識爾
 時諸佛各各自遣諸大菩薩為供養汝故諸
 菩薩等以先所得已佛世界種種自在師子
 遊戲神足變化而以供養爾時諸菩薩種種

供養已於彼聽法得陀羅尼三昧忍辱是諸
 菩薩聽受法已各還本土向佛世尊稱說汝
 國所有諸事梵志如是夢事皆是汝之成道
 相見梵志汝所夢見於其腹內有無量億諸
 大菩薩在蓮華上結加趺坐三昧正受者汝
 於來世成阿耨多羅三藐三菩提已復當勸
 化無量億百千衆生令不退於阿耨多羅三
 藐三菩提汝入無上涅槃已其後未來之世
 當有十方世界無量諸佛法王世尊亦當稱
 汝名字作如是言過去微塵數等大劫有某
 甲佛是佛世尊勸化我等安住於阿耨多羅
 三藐三菩提今不退轉是故我等今成阿耨
 多羅三藐三菩提作正法王梵志如是等夢
 皆是汝之成道相見梵志汝夢所見人形猪
 面乃至獼猴面以血汗身噉種種蟲已坐伊
 蘭樹下無量衆生喫食其身乃至骨鎖離骨
 鎖已數數受身者有諸癡人住三福處所謂
 布施調伏善攝身口如是人等當生魔天有

退沒苦若生人中受生老病死憂悲惱苦愛別離苦怨憎會苦所求不得苦生餓鬼中受飢渴苦生畜生中無明黑暗有斷頭苦生地獄中受種種苦欲得遠離如是諸苦是故安住修三福處願求天王轉輪聖王或欲主領一四天下乃至主領四四天下如是癡人食

一切衆生是衆生等復當還食如是癡人如是展轉行於生死不可得量梵志如是夢者即是久受生死之相見也梵志汝夢所見有諸人等須曼那華以作瓔珞載小弊車駕以水牛於不正道南向馳走梵志即是安住於善福事能自調伏令得寂靜向聲聞乘者之

相見也善男子爾時寶海梵志曰轉輪王言大王當知人身難得王今已得成就無難諸佛出世尊出甚難過優曇華發善欲心及作善願乃復甚難大王今者若願天人即是苦本若欲得主一四天下及二三四亦是苦本輪轉生死大王若生人天皆是無常無決定

食

二

十一

相猶如疾風其人貪樂於五欲中心不厭足猶如小兒見水中月若有願求在天人中受放逸樂其人數數墮於地獄受無量苦若生人中受愛別離苦怨憎會苦若生天上有退沒苦當復數數有受胎苦復有種種互相食噉奪命之苦癡如嬰兒心不知厭何以故離

善知識故不作正善願故不行精進故應得者不得故應解者不解故應證者不證故癡如嬰兒無所識別唯善提心能離苦惱無有遺餘而反生厭世間生死數數受苦而更甘樂遂令諸苦轉復增長大王今當思惟生死有如是等種種諸苦大王今者已供養佛已種善根是故於三寶中應生深信大王當知先所供養佛世尊者即是來世大富之因愛護禁戒即是來世人天中因今者聽法即是來世智慧因也大王今者已得成就如是等事便應發阿耨多羅三藐三菩提心時王答言梵志我今不用如是善提我心今者愛樂

生死以是緣故布施持戒聽受妙法梵志無
 上菩提甚深難得是時梵志復白大王是道
 清淨應當一心具足願求是道無濁心清淨
 故是道正直無諂曲故是道鮮白離煩惱故
 是道廣大無障礙故是道含受多思惟故是
 道無畏不行諸惡故是道大富行檀波羅蜜
 故是道清淨行尸波羅蜜故是道無我行屢
 提波羅蜜故是道不住行毗梨耶波羅蜜故
 是道不亂行禪波羅蜜故是道善擇行般若
 波羅蜜故是道乃是真實智慧之所至處行
 大慈故是道不退行大悲故是道歡喜行大
 喜故是道堅牢行大捨故是道無刺棘常遠
 離欲恚惱覺故是道安隱心無障礙故是道
 無賊善分別色聲香味觸故是道壞魔善分
 別陰入界故是道離魔斷諸結故是道妙勝
 離聲聞緣覺所思惟故是道遍滿一切諸佛
 所受持故是道珍寶一切智慧故是道明淨
 智慧光明無障礙故是道善說為善知識之

食

二

十三

李

所護故是道平等斷愛憎故是道無塵離恚
 穢忿怒故是道善趣離一切不善故大王是
 道如是能到安樂之處乃至涅槃是故應發
 阿耨多羅三藐三菩提心爾時轉輪聖王答
 大臣言梵志今者如來出現於世壽八萬歲
 其命有限不能悉為一切眾生斷諸惡業今
 種善根種善根已安置聖果或得陀羅尼三
 昧忍辱或得菩薩勝妙善根諸佛投記得阿
 耨多羅三藐三菩提或少善根於天人中受
 諸快樂是諸眾生各各自受善不善報梵志
 於眾生中乃至一切人無善根者如來不能
 說斷苦法如來世尊雖為福田無善根者不
 能令斷諸苦惱法梵志我今發阿耨多羅三
 藐三菩提心我行菩薩道時修集大乘入於
 不可思議法門教化眾生而作佛事終不願
 於五濁之世穢惡國土發菩提心我今行菩
 薩道願成阿耨多羅三藐三菩提時世界眾
 生無諸苦惱若我得如是佛刹者爾乃當成

阿耨多羅三藐三菩提

善男子爾時寶藏多陀阿伽度阿羅訶三藐三佛陀即入三昧其三昧名見種種莊嚴入三昧已作神足變化放大光明以三昧力故現十方世界一一方面各千佛刹微塵數等諸佛世界種種莊嚴或有世界佛已涅槃或

食

二

十三

李

有世界佛始涅槃或有世界其中菩薩始坐道場菩提樹下降伏魔怨或有世界佛始成道便轉法輪或有世界佛父成道方轉法輪或有世界純諸菩薩摩訶薩等遍滿其國無有聲聞緣覺之名或有世界佛說聲聞辟支佛乘或有世界無佛菩薩聲聞緣覺或有出

界五濁弊惡或有世界清淨微妙無諸濁惡或有世界卑陋不淨或有世界嚴淨妙好或有世界壽命無量或有世界壽命短促或有世界有大火災或有世界有大水災或有世界有大風災或有世界劫始欲成或有世界成就已竟有如是等無量世界微妙光明悉

皆遍照令得顯現爾時大眾悉見如是等無量清淨諸佛世界種種莊嚴時寶海梵志白轉輪王大王今者已得見此諸佛世界種種莊嚴是故今應發阿耨多羅三藐三菩提心隨意欲求何等佛土善男子時轉輪王向佛叉手而白佛言世尊諸菩薩等以何業故取

清淨世界以何業故取不淨世界以何業故壽命無量以何業故壽命短促佛告聖王大王當知諸菩薩等以願力故取清淨土離五濁惡復有菩薩以願力故求五濁惡爾時聖王前白佛言世尊我今還城於閑靜處專心思惟當作誓願娘我所見佛土相兒離五濁惡願求清淨莊嚴世界佛告聖王宜知是時善男子時轉輪王頭面禮佛及比丘僧右遶三匝即退而去便還入城到所住處自宮殿中在一屏處一心端坐思惟修集種種莊嚴已佛世界善男子時寶海梵志次白太子不胸善男子汝今亦當發於阿耨多羅三藐三

善提心如汝所行三福處者所謂布施調伏
 善攝身口及所修行清淨善業盡應和合迴
 向阿耨多羅三藐三菩提爾時太子作如是
 言我今先應還至宮殿在一屏處端坐思惟
 若我必能發阿耨多羅三藐三菩提心者我
 當還來至於佛所當於佛前畢定發心願取

食二 十四 李

種種淨妙佛土爾時太子頭面禮佛及比丘
 僧右遶三匝即退而去至本宮殿在一屏處
 一心端坐思惟修集種種莊嚴已佛世界善
 男子爾時梵志復白第二王子作如是言善
 男子汝今當發阿耨多羅三藐三菩提心如
 是聖王千子皆悉教化今發阿耨多羅三藐
 三菩提心爾時梵志復教化八萬四千諸小
 王等及餘九萬二千億衆生令發阿耨多羅
 三藐三菩提心一切大衆皆作是言梵志我
 等今當各各還至所住之處在一靜處一心
 端坐思惟修集種種莊嚴已佛世界如是大
 衆一心寂靜於七歲中各各於已本所住處

一心端坐思惟修集種種莊嚴已佛世界善
 男子寶海梵志復於後時作如是念今我教
 化無量百千億那由他衆生今發阿耨多羅
 三藐三菩提心我今已請佛及大衆於七歲
 中奉諸所安若我當來必成阿耨多羅三藐
 三菩提所願成就者我當勸喻天龍鬼神阿

脩羅乾闥婆緊那羅摩睺羅伽夜叉羅刹拘
 辦荼等令其供養如是大衆善男子爾時梵
 志即念毗沙門天王善男子爾時天王即知
 梵志心之所念與百千億無量夜叉恭敬圍
 遶至梵志所尋於其夜在梵志前作如是言
 梵志有何教勸梵志問言汝是誰耶毗沙門

食二 十五

言梵志汝頗曾聞毗沙門王不即我身是欲
 何所勸時梵志言善來大王我今供養如是
 大衆汝可助我共供養之毗沙門王言敬如
 所勸隨意所須梵志復言大王若能隨我意
 者今諸夜叉發阿耨多羅三藐三菩提心復
 當宣告諸夜叉等欲得福者欲得阿耨多羅

三藐三菩提者可渡大海日日往取牛頭栴
檀及以沉水井諸餘香種種諸香種種諸華
持來至此亦當如我日日供養佛及眾僧爾
時天王聞是語已還至住處擊鼓集會夜又
羅刹唱如是言卿等知不此閻浮提有轉輪
聖王名無諍念有梵志名曰寶海即是聖王

之大臣也終竟七歲請佛及僧奉諸所安卿
等於此福德應生隨喜生隨喜已以是善根
發心迴向阿耨多羅三藐三菩提善男子爾
時有百千無量億那由他夜又等又手合掌
作如是言若寶海梵志於七歲中供養如來
及比丘僧奉諸所安所得善根福報我等隨

喜以是隨喜善根故今我等成阿耨多羅三
藐三菩提爾時天王復作是言卿等諦聽欲
得福德及善根者便可日日渡於大海為彼
梵志取牛頭栴檀及以沉水熟食飯佛及比
丘僧時有九萬二千夜又同時發言天王我
等今者於七歲中常當取是牛頭栴檀及以

沉水與彼梵志熟食飯佛及比丘僧復有四
萬六千夜又亦同聲言我等當取微妙諸香
與彼梵志供養如來及比丘僧復有五萬二
千諸夜又等亦各同聲作如是言我等當取
種種妙華與彼梵志供養如來及比丘僧復
有二萬諸夜又等亦同聲言我等當取諸味

之精與彼梵志調和飲食以供養佛及比丘
僧爾時復有七萬夜又亦同聲言我等當往
與作飲食供養如來及比丘僧善男子爾時
梵志復作是念次當勸喻毗樓勒又天王毗
留羅又天王提頭賴吒天王作是念已爾時
三王即知其念往梵志所乃至還所住處毗

樓勒又與百千億那由他拘辦茶等毗留羅
又天王與百千無量億那由他諸龍提頭賴
吒與百千無量億那由他諸龍闍婆乃至發
阿耨多羅三藐三菩提心亦如是善男子爾
時梵志即復念於第二天四天下大王彼四
天王以佛力故至梵志所作如是言梵志今

者欲何所勅梵志答言我今勸汝與諸眷屬發阿耨多羅三藐三菩提心四天王言敬如所勅即各還至所住之處與諸眷屬悉共發於阿耨多羅三藐三菩提心如是乃至三千大千世界百億毗沙門王發阿耨多羅三藐三菩提心百億毗樓勒又天王百億毗樓羅又百億提頭賴吒各各自與所有眷屬亦復如是發阿耨多羅三藐三菩提心善男子爾時梵志復作是念若我未來必成阿耨多羅三藐三菩提所願成就得已利者當令一切諸天皆使得此福德之分亦勸使發阿耨多羅三藐三菩提心若我來世以是善根必成阿耨多羅三藐三菩提者切利天王當來至此與我相見夜摩天子兜術天子化樂天子他化自在天子亦當來此與我相見善男子爾時梵志作是念已切利天王夜摩天王兜術天王化樂天王他化自在天王悉皆來此與梵志相見作如是言梵志今者欲何所勅

食

二

七

梵志答曰汝是誰也時五天王各稱姓名復言梵志欲何所勅不須在此大會使耶梵志答言天王當知汝等天上所有妙寶臺殿樓閣有諸寶樹及諸衣樹香樹華樹果菰之樹天衣大座統綖茵褥上妙寶器及以瓔珞天幢天蓋諸繒幡等種種莊嚴諸天所有種種伎樂汝等可以如此之物種種莊嚴此閻浮園供養於佛及比丘僧時五天王作如是言敬如所勅時諸天王各各還至所住之處切利天王告毗樓勒天子夜摩天王告阿茶滿天子兜術天王告路醯天子化樂天王告拘陀羅天子他化自在天王告難陀天子各作是言卿今當下閻浮提界以此所有種種莊嚴彼閻浮園縣諸瓔珞數種種座如諸天子種種莊嚴為如來故作寶高樓當使如此切利天上所有寶樓是諸天子聞是教已即下來至閻浮提中尋於其夜種種莊嚴是閻浮園以諸寶樹乃至天幡而莊校之為如來故

作七寶樓如忉利天所有寶樓是五天子以諸寶物種種莊嚴閻浮提園已尋遠天上各白其王大王當知我等已往莊校彼園所有之物如此無異為如來故作七寶樓如忉利天所有寶樓等無差別善男子時忉利天王夜摩天王兜術天王化樂天王他化自在天

王即便來至閻浮提中到梵志所作如是言梵志我今已為佛及眾僧莊校此園更何所初願便說之梵志答言汝等各各自於境界有自在力可集諸天汝持我言閻浮提內有大梵志名曰寶海於七歲中請佛世尊及無量僧奉諸所安卿等今者於此福德應生隨

喜生隨喜已發心迴向阿耨多羅三藐三菩提是故應往佛所見佛世尊及比丘僧供養所須聽受妙法時五天王從梵志所聞是言已各各自還至所住處爾時忉利天王釋提桓因即集諸天而告之曰卿等當知閻浮提內有轉輪聖王名無諍念有大梵志名曰寶

食

二

十八

海即其聖王之大臣也請佛世尊及無量億僧終竟七歲奉諸所安我已先為佛比丘僧取諸寶物種種莊嚴彼閻浮園卿等以是善根因緣應生隨喜生隨喜已發心迴向阿耨多羅三藐三菩提亦令梵志得如所願善男子爾時百千無量億那由他忉利天子恭敬

叉手作如是言我等今者於是善根生隨喜心以是隨喜故令我等一切得成阿耨多羅三藐三菩提夜摩天王兜術天王化樂天王他化自在天王如是等各集諸天而告之曰卿等當知閻浮提內有轉輪聖王名無諍念有大梵志名曰寶海即其聖王之大臣也請佛世尊及無量億僧終竟七歲奉諸所安我已先為佛比丘僧取諸寶物種種莊校彼閻浮園卿等以是善根因緣故應生隨喜生隨喜已發心迴向阿耨多羅三藐三菩提當令梵志得如所願善男子爾時四天王名有百千無量億那由他天子恭敬叉手作如是

言我等今者於是善根生隨喜心以是隨喜故令我等一切皆得成阿耨多羅三藐三菩提爾時五王各各告言卿等今當至閻浮提見寶藏佛及比丘僧禮拜圍遶恭敬供養尊重讚歎善男子時五天王各各於夜一一將諸天子天女童男童女及餘眷屬百千億那由他衆前後圍遶來至佛所頂禮佛足及比丘僧從佛聽法至明清旦遷住虛空以種種天華優鉢羅華鉢頭摩華拘物頭華分陀利華須曼那華婆尸師華阿提目多伽占婆伽華曼陀羅華摩訶曼陀羅華以散大會如雨而下并鼓天樂而以供養善男子爾時寶海梵志復作是念若我當來必成阿耨多羅三藐三菩提所願成就得已利者復當教化諸阿脩羅悉令發阿耨多羅三藐三菩提心善男子爾時梵志作是念已有五阿脩羅王到梵志所乃至百千無量億那由他阿脩羅男子女人童男童女如梵志教發阿耨多羅三

藐三菩提心至於佛所聽受妙法善男子爾時寶海梵志復作是念若我當來必成阿耨多羅三藐三菩提所願成就得已利者復當教化天魔波旬令發阿耨多羅三藐三菩提心善男子時魔波旬即知梵志心之所念尋與百千無量億那由他男子女人童男童女至梵志所敬如教勅發阿耨多羅三藐三菩提心乃至聽法亦復如是

悲華經卷第二

食二

刪提嵐上所間反統上舒阮反延下音延繪

續下音續也反床下音床檣下音檣几上音几橙下音橙居反矣反澡下音澡水下音水
音早洗上音洗斟上音斟酌上音酌之若反若反銷上音銷饌上音饌饌上音饌時反肩反茵上音茵褥上音褥茵上音茵褥上音褥茵上音茵褥上音褥
音彌上音彌彌上音彌忍下音忍反反濡上音濡心上音心軟上音軟曹上音曹伽上音伽登上音登反反樗上音樗蒲上音蒲居上音居反反子音子名音名也音也奴上音奴模上音模胡上音胡反反礎上音礎反反何上音何炎上音炎磨上音磨下音下音音摩上音摩茸上音茸鏹上音鏹

反踰羊朱反也越也過徒敢反骨鎖下蘇果反狐
狼二字音獼猴二字音啖食子雜反奪徒活反
嬰兒盈上一反刺棘下上七賜反恚紆避反忿芳芳問
二屏處隱上音餅菓居力反菓在樹曰菓反瓜之屬也菓在地曰菓

悲華經第二卷

食二

悲華經卷第三

食

北涼天竺三藏法師曇無讖譯

大施品第三之餘

佛復告寂意善男子。今時梵志復作是念。若我當來成阿耨多羅三藐三菩提。所願成就。得已利者。次當教化大梵天王。發阿耨多羅

三藐三菩提心時。梵天王即知梵志心之所念。到梵志所作。如是言。欲何所勅。梵志問言。汝是誰也。梵王報言。我是大梵天王。梵志荅言。善來王。可還天上。集會諸天。汝持我言。閻浮提內有大梵志。名曰寶海。於七歲中。請佛世尊及無量僧。奉諸所安。卿等今者於此福

德應生。隨喜生。隨喜已發心。迴向阿耨多羅三藐三菩提。今時梵王聞是教。已尋還天上。聚集諸梵。而告之言。卿等當知。閻浮提內有轉輪聖王。名無諍。念有大梵志。名曰寶海。即其聖王之大臣也。請佛世尊及無量僧。終竟七歲。奉施所安。卿等以是善根。應生隨喜生。

隨喜已發心。迴向阿耨多羅三藐三菩提。當令寶海得如所願。善男子。今時百千無量億那由他諸梵天子。恭敬叉手作。如是言。我等今者於是善根。生隨喜心。以是隨喜。故悉令我等一切。皆得阿耨多羅三藐三菩提。復更告言。卿等今當至閻浮提。見寶藏佛及比丘僧。禮拜圍遶。恭敬供養。尊重讚歎。善男子。時梵天王與百千無量億那由他諸梵天子。前後圍遶。來至佛所。頭面禮佛。足及比丘僧。聽受妙法。善男子。今時梵志復作是念。復當教化。第二天。下忉利天王。夜摩天王。兜術天王。化樂天王。他化自在天王。以佛力故。即各來